

REGIONAL NEWS BULLETIN

HEADLINES (MORNING)

1. All Mizoram Village Council Association chuan Village Council term pawh tawi a ni chu lungawi lovin Mizoram sorkar chu High Court-ah khin an rel.
2. Aizawl a Central Goods and Services Tax chuan kumin sorkar tangka kumthar atanga chhut a tun thla November thlenga an chhiah khawn tlingkhawm chu cheng vaibelchhe 134 a tling tih an sawi.
3. National Investigation Agency chuan Manipur-a tharum thawhna thleng chungchangah thubuai liantak pathum ngawrh takin a chhui tha leh mek
4. Prime Minister Narendra Modia chuan ram himna ti derthawng a firfiaka che thinte chu na taka chhanlet a ni ang tih a sawi.



AMVC

All Mizoram Village Council Association chuan Village Council term pawh tawi a ni chu lungawi lovin Mizoram sorkar chu High Court-ah khin an rel.

All Mizoram Village Council Association General Conference, Dawrpui Multipurpose Hall Aizawl a nimina neih ah kalkhawmte chuan resolution siamin, Mizoram, Mizo hnam leh khawtlang hmawsawwna tura theih tawp chhuah chhunzawm zel tura an inpeih thu leh, tualchhung rorelna tha leh nghel nget a awm theih nan an beih zel tur an sawi a, Village Council zahawmna leh ropuina pal zut chu engtikah mah rem an ti ngai dawn lo a, VC lo la ni leh zel turte tan pawh a Village Council nghel nget leh rintlak siam tura theihtawp an chhuah dawn an ti a ni.

VC term pawhtawi chungchanga Mizoram sorkar khinna tur sum hi vawiina kal khawmte hian thawh khawm nghalin hmalak nghal an remti a ni.

AMVCA President Pu K. Lalngaizuala chuan hemi chungchang kan corr a hrilh dan lo ngaithlang.

All Mizoram Village Council Association khawmpui hnampuitu Local Administration Department Minister Pu C. Lalsawivunga chuan Mizoram Village Council inthlan sawn hma a nih chhan chu state sorkar sum lama a pachhiat vang a nih thu a sawi a.

Minister chuan Village Council inthlan chungchanga thuthlukna siam chu thil harsa tak a nih thu leh kumthar lamah Mizoram inthlan pali ngawt a hmachhawn dawn avanga sum leh pai senso a hautak lohna atan Village council inthlan chu kumin sorkar tangka kum chungga neih mai tura an tih tak thu a sawi.

Pu C. Lalsawivunga chuan VC te inenkawlna dan chu kum 1953 daih tawha zam a nih thu sawiin, Lushai Hills Village Council Act chu a hunlaia dan tha tak ni mah sela, kum 71 lai hman a nih tawh avang leh tunlai changkanna leh hmasawwna nena inhone rem lo a tam tawh avanga siam that a ngaih tawh takzet a ti a, hemi atan hian hun hmasa lama sorkar pawhin an theihtawp an lo chhuah tawh thu sawiin LAD lam hotute leh mi thiam hemi atana ruat bikten dan thar a awm vat theihna atana hma nasa taka an lak thu leh dan thar Mizoram Village Council Act 2024 chu Law Department –ah a draft bill VAT tura a awm mek thu a sawi baw.

LAD Minister chuan Village Council kalkhawmte chu sorkar laipui atanga hmasawwna tura sum an dawnte chak tak leh fel fai taka hman vat turin a hrilh a, sum hman lawk loh leh muang taka hmasawwna hna thawh chuan a hnu leh zela sorkar laipui atanga sum rawn kal leh turah harsatna a siam thin thu sawiin, Mizoram hmun hrang hrang a Village Council-te pisa Panchayat Bhavan sak mek pawh a lo sa hmasa tuten hna an thawh muan avangin a hnu leh a sa turte tan harsatna nasa tak a thlen thu a sawi baw.

(CORR)



MSCPCR

Mizoram State Commission for Protection of Child Rights (MSCPCR) Consultation Meeting nimina Aizawla neih chu Minister Pi Lalrinpuin a hmanpui a,

He Consultation Meeting-ah hian naupang enkawlna hmun Special Home-a naupangten bahlah lova zirna an chhunzawm theihna tura Zirna In/School tih changtlun dan te ngaihtuah ho a ni a; Children’s

Home-a naupang awm ten kum 18 an tlin hnu a letna leh hawna tur tha leh belhchiandawl chhungkua leh mahnia inenkawl thei tur leh mahni ke a ding thei tura thiamna mumal nei lo te tana enkawl zuina (After Care Programme) tihmasawn theih dan turte sawiho niin, After Care Programme atana fund-te a beitham em avanga tuna programme kalpuilai pawh duh ang a tihmasawn a harsat zia te tarlan a ni a;

MSCPCR chuan tunhnaiah Aizawl leh Champhai District chhunga naupang enkawl na hmun Child Care Institutions (CCIs) te a tlawhchhuak mek a, hemi atang hian Children's Home hrang hranga Fund indaihlohna te, a thawktu te indaihlohna te leh harsatna hrang hrang an tawh te a taka hmuhpuuin, an harsatna te sutkian a nih theihna turin sawiho a ni bawk.

School Education Department enkawl na hnuai hmalakna te sawiho a ni a, School Bag rit lutuk hi zirlai te tan phurrit leh hriselna lam thlenga nghawng tha lo nei thei a nih avangin School Bag rih zawng tihnam thei tura hmalak dan turte ngaihtuahho a ni a, heng bakah zirlai kaihhnawih inenkawl na hrang hrangte naupang tana hmasawna tur leh phurrit awm lo tura kalpui leh ruahmanna siam a tul zia te sawiho a ni.

(DIPR)



GST

Aizawl a Central Goods and Services Tax hotute chuan kum 2024 sorkar tangka kumthar atanga chhut a tun thla November 2024 thenga an hnena chhiah pek tlingkhawm chu cheng vaibelchhe 134 a tling tih an sawi.

Akashvani Correspondent in a kawm naah Central GST hotute chuan Goods and Services Tax chu kum 2017 July thla a hman tan a ni a, Mizoram chhungah mi 8000 chuang Goods and Services Tax-ah an in register tawh a, Central GST hnuai mi 3400 an in register tawh a leh a bak mi 4600 vel chu State GST hnuai in register an ni.

GST hotute chuan chhiah pe tu ten sum fai emaw input tax credit hmanga chhiah an pek theih thu sawiin an chhiah hmuh chu nikum November thla leh kumin march ni 31 inkar aiin kumin April ni 1 atanga tun thla thleng khan zaa 37 velin a pung a, anmahni hnuai bika chhiah lut zingah za a 70 chu NHIDCL leh PWD hnuai contractor-te chhun luh a nih thu an sawi am, hei bakah hian lirthei zuar te leh Mobile Phone Service Provider-te leh thawmhnaw zuarte pawhin an hnenah chhiah an chhun luh thin thu an sawi bawk.

Central GST hotute chuan input tax credit hriat fiah tawh loh avangte, sorkar atanga contractor ten an bill an hmuh tlai thin avangte leh GST lam ngaihtuah tawh lo an awm thin avang te in an beisei ang a chhiah an hmuh tawh loh thu an sawi a, sumdawngte pawh danin a a phut ang a dawr hming leh account bu te vawng felfai a, GST registration leh certificate-te mahni sumdawna hmun theuh va tarchhuak tura an duh thu an sawi a, GST mahni a khawih thiamlo midang khawih tir an awm thin thu leh a buaipui sak tuten an ngaihthah avanga harsatna tawh an awm thin thu an sawi bawk.

Aizawl Central GST hotuten GST chungchanga mipuite hnena hriattur pawimawh an sawi kan Correspondent hnen atangin i lo ngaihtla ang:

(Corr)



HSS SCHOOL GAMES

School Education Department buatsaih Mizoram Higher Secondary School Games vawi 21 –na chu nimin atang khan Aizawl khawpui chhung hmun hrang hrangah tan a ni.

Tun tum Higher Secondary School Games-ah hian Sports Discipline hrang hrang Athletics, Badminton, Basketball, Football, Table Tennis, Volleyball, Swimming, Kawikah leh Kalchhet-ah te zirlaiten inelna an nei dawn a, Aizawl pawn atangin Higher Secondary school 15 leh Aizawl chhung atangin Higher Secondary School 14 telin zirlai 1000 vel leh zirtirtu 100 vel an fuankhawm a, tun thla ni 29, zirtawpni-ah a tiak ang.



AIR ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.



NIA ON MANIPUR

National Investigation Agency chuan Manipur-a tharum thawhna thleng chungchengah thubuai tak pathum ngawrh takin a chhui tha leh mek. Union Home Ministry chuan heng thubuaite hi NIA kuta a hlan hnuah a tun thla ni 13 khan Bharatiya Nayay Sanyhita hnuai ahrana ziahluh leh niin uluk taka chhui tan a ni a. NIA team te chuan tun htla ni 21 leh 22 khan a hmunah tlawhin an chhui tan nghal a ni.

(Newsonair)



PM

Prime Minister Narendra Modia chuan ram himna ti derthawng a firfiaka che thinte chu na taka chhanlet a ni ang tih a sawi. Nimina Supreme Court-a Constitution Day hmannaah he thu hi sawiin Pu Modia chuan Constitution chuan mitin beiseina a tihlawhtling a ti a. Khua leh tuite tana hruaitu eng a ni tih

sawiin Pu Modia chuan danpui chakna avang hian Jammu and Kashmir ah pawh a taka hman a ni ve ta a ti bawk.

Chief Justice of India (CJI) Sanjeev Khanna pawhin thu sawiin India chu mipui rorelna democracy ram nung takah a insiam tawh a ti a. Hetiang dinhmun thleng tur hian Constitution chu a pawimawh hle a ni a ti a. Ramin zalenna a neih hnuah Indian democracy tan hian Constitution chu a pawimawh hle a ti bawk.

Nizana Constituion Day hmannaah hian Prime Minister Modia hian Annual Report of the Indian Judiciary 2023-24 a tlang zarh bawk a ni.

(Newsonair)



NATIONAL CONSTITUTION DAY

Nimin khan ram danpui Ni hman a ni a, Sawrkar laipui chuan nimin atanga tanin kum khat chhung National Constitution Day hi hman turin a puang a. Kum 2025 November ni 26 thleng lawm a ni ang.

President Droupadi Murmu-i chuan he ni puala Samvidhan Sadan Central Hall-ah thusawiin khua leh tuite chu ram danpui constitution-a thu inphumte an nunphungah lalut a, an tih ve tur fundamental duty-te ngai pawimawh turin a sawm a. Kum 2047-a ram changkanga India siam anih theih nan theihtawp chhuah turin a sawm bawk a ni.

Constitution Day hmannaah hian Prime Minister Narendra Modi, Union Minister, Leader of Opposition Rahul Gandhi, Lok Sabha leh Rajya Sabha membrete an tel a ni.

